

唐詩所前集


三十六

廿六

漢書門類			
三二冊	四架	八〇函	一八四三號

內閣文庫			
三九函	一六架	三二冊	一八四三號
漢書類			

內閣文庫	
番號	漢 11843
冊數	32 (26)
函號	319 124



五言排律



唐詩所第三十六

排律

五言

古意

上裴侍郎行儉

前集
漢章文庫

駱賓王

三十二餘罷鬢是潘安七四十九仍入年非朱買臣縱
 橫愁繫越坎壇倦遊秦出籠窮短翮委轍涸枯鱗磨鉛
 不需用彈鋏欲誰伸天子未驅策歲月幾沈淪輕生
 慷慨効死獨殷勤徒歌易水客空老渭川人一得視邊
 塞萬里何苦辛劍匣胡霜影弓開漢月輪金方一作動
 秋色鐵騎想風塵為國堅誠款捐軀忘賤貧勒功思比
 憲決策暗欺陳若不犯霜雪虛擲玉京春

非律五言

卷三十六

雜詩

王維

朝因折楊柳相見洛陽隅
楚國無如妾秦家自有夫
對人傳玉腕映燭解羅襦
人見東方騎皆言夫婿殊
持謝金吾子煩君提玉壺

送張說巡邊

賈曾序曰王者大司馬制軍詰禁封國正朔惠綏蠻貊刑齊猾夏其儀尚

矣天子道穆三象功清六合截海來威窮荒揆教將以靜流服度蕃畿削揮凌暴昭蘇寡弱乃命元宰兵部尚書燕公專節朔方授律羣帥涉河之外距關之西公皆統之重分閩也公智以關物清以造微文為一變之英武有萬人敵歷登尹庶王猷載寧三宅台衡帝采惟亮雖在堂足以制勝而勤國忘其定居闡茂次年仲皇貞閏拜手東洛馳軺北關備官而行成旅以從是日也景風司至星火殷宵伯趙鳴而戒陰爽鳩習而揚武禮可以升高遠望詩可以出宿餞

行有詔具寮爰開祖宴且申後命寵以繁錫天章賦別御札題牋副衣勉挾纊之成兼壺喻授醪之旨筐篚以將其貺筆硯以表其文前載杰書今策斯覩侍中安陽公以仁體國中書令河東公以德熙朝奕贊功成許謀景暇恭采薇之恩典悵伐木之朋思詢彼甸師卜茲郊候鼎門右轉岐路旁分當關塞之斷山接華林之高樹幕人宿設重帶雲平官饗舉百蓋霞錯四夏六徹之變朱干皇羽之容雷殷川原電掃林薄朝傾多士巷無居人接蓋陰衢揚袂風野羽觴遽進列座酣而不譁清鏡間發將士激而逾厲視日知其吉氣吹律驗其商聲則已景列穹都風騰漠野西域輕郵支之使東胡息冒頓之虞顧夫南仲于征吉甫薄伐不其遠也若木還照前茅啟行聽闐闐之去鼓目悠悠之轉旆歌事者每懷靡及念離者歧予望之成志在心發言同唱天子有命式序清風請編出車之什以繼蒸人之雅

玄宗

端拱復垂裳長懷御遠方
股肱申教義戈劍靖要荒
命

將綏邊服雄圖出廟堂三台入武帳八座起文昌寶一作
遙胄匡韓王華宗輔漢王茂先慙博物平子謝文章盡
節恢時佐輸誠禦寇場三軍臨朔野駟馬卽戎行鼓吹
威夷狄旌軒溢洛陽雲臺先著美今日更貽芳

奉和

王翰

紫綬一作尚書印朱軒丞相車登朝身許國出閫將辭
家不憚炎蒸苦親嘗走集賒選徒軍有政一作誓卒爾
無譁帝樂風初起王城日半斜寵行流聖作寅餞照台
華騎歷河南樹旌搖塞北沙柔懷應盡服嚴殺已先加
業峻靈祇保功成道路嗟寧如鑿空使遠致石榴花

奉和

徐堅

至德撫遐荒神兵赴朔方帝思元帥重爰擇股肱良累
相承安世深籌協子房寄崇專斧鉞禮備設壇場鞞鼓
喧雷電戈劔凜風霜四駢將戒道十乘啟先行聖錫加
恒數一作天文一作耀寵光出郊開帳飲寅餞盛離章
雨濯梅林潤風清麥野涼燕山應勒頌麟閣佇名揚

奉和

崔日用

軒相推風后周官重夏卿廟謀能允迪韜略又縱橫吉
日四黃馬宣王六月兵擬清雞鹿塞先指朔方城列將
懷威撫匈奴畏盛名去當推轂送來佇出郊迎絕漠蓬

將斷華筵槿正榮壯心看舞劍別緒應懸旌睿錫承優
旨乾文復寵行暫勞期永逸赫矣振天聲

奉和

崔禹錫

供帳何煌煌公其撫朔方羣僚咸餞酌明主降離章關
塞重門下郊岐禁苑傍練兵宜雨洗臥鼓候風涼炎景
寧云憚神謀肅所將旌搖天月迴騎入塞雲長赫赫皇
威振油油聖澤滂非惟按車甲兼以正封疆叱咤陰山
道澄清瀚海陽虜垣行決勝台坐佇爲光

奉和

許景先

文武承邦式風雲感國禎王師親賦政廟略久論兵漢

主知三傑周官統

一作總

六卿四方分閫受千里坐謀成

介冑辭前殿壺觴宿左營賞延頒賜重宸贈出車榮龍
武三軍氣魚鈴五校名郊雲駐旌羽邊吹引金鉦訓一作
振旅方稱德安人更克貞佇看銘石罷同聽凱歌聲

奉和

韓休

一德光台象三軍掌夏卿來威申廟略出總叶師貞受
鉞辭金殿憑軒去鼎城曙光搖組甲踈吹繞雲旌左律
方先凱中輦卽訓兵定功彰武事陳頌紀天聲祖宴初
留賞宸章更寵行車徒零雨送林野夕陰生路極河流
遠川長朔氣平南轅遲返旆歸奏謁承明

奉和

胡皓

燕公爲漢將武德奉文思利用經戎莽英圖叶聖詒塞
沙制長策窮石捲搖旗萬里要相賀三邊又在茲稜威
方逐逐談笑坐怡怡寵餞紛郊道充厨竭御司嘗醪企
行邁聽樂罷漣而袞旒垂翰墨纓旌迭賦詩金山無積
阻玉樹有華滋請迨炎風暮歸旌候此時

奉和

蘇晉

方漢比周年興王合在宣亟聞降虜拜復覩出師篇祈
父萬邦式英猷三略傳算車申夏政芟舍啟戎田嚴問
盟胡苑軍容濟洛川皇情悵關旆詔餞列郊筵路接禁

園草池分御井蓮離聲軫去角居念斷歸蟬三捷豈云
爾七擒良信然具僚誠寄望奏凱秋風前

奉和

王光庭

賢相德符充朝推文武雄海波先若鏡關草豫從風鉞
助將軍勇威成天子功瓊章九霄發錫宴五衢通玉輶
龍盤帶金裝鳳勒驄虎貌紛凝凝河洛振熊熊戈劔千
霜白旌旗萬火紅示刑夷夏變流惠鬼神一作同寇息
軍容偃塵銷朔野空用師敷禮樂非是爲獯戎

奉和

袁暉

出師宣九命分闡用三台始應幕中畫言從天上來丹

青不獨任韜略遂雙該坐見威稜洽彌彰事業恢旌旗
曉雲送鞞鼓朔風催虜氣消殘月邊聲韻落梅羽書雄
北地龍漢寢南垓寵戰黃金盡輸誠白日迴離章宸翰
發祖讎國門開欲識恩華盛平生文武材

奉和

徐知仁

聖德膺三統皇恩被八埏大明均照物小醜未寧邊國
相台衡重元戎廟略宣紫泥方受命黃石乃推賢問罪
陰山下安人屬國前度關行照月乘障坐消煙北闕紆
宸藻南橋列祖筵耀威當夏日殺氣指秋天鞞鼓鼉鼉
振旌旗鳥獸懸由來詞翰手今見勒燕然

奉和

盧從愿

上將發文昌中軍靖朔方占星引旌節擇日拜壇場禮
樂臨軒送威聲出塞揚安邊俟帷幄制勝在巖廊作鼓
將軍氣投醪壯士觴戒途遵六月離贈動三光槐路清
梅暑蘅臯起麥涼時文仰雄伯耀武震遐荒衽席知無
戰兵戈示不忘佇聞歌杖杜凱入繫名王

奉和

張嘉貞

天錫我宗盟元戎付夏卿多才兼將相必勇獨橫行經
緯稱人傑文章作代英山川看是陣草木想爲兵不待
河水合猶防塞一作漢月明有謀當繫醜無戰且綏氓闡

外傳一作專

三略雲中冀一平感恩同義激

一作共

悵別

屢魂驚直視前旌掣遙聞後騎鳴還期方定日復此出

郊迎

奉和

宋璟

帝道薄

一作薄

存兵王師尚有征是關司馬法爰命總戎

行畫闡崇威信分麾盛寵榮聚觀方結轍出祖遂傾城

聖酒江河潤天詞象緯明德風邊草偃勝氣朔雲平宰

國推良器為君挹壯聲至和常得體不戰即亡精以智

泉寧竭其徐海自清遲還廟堂坐贈別故人情

奉和

崔泰之

南庭胡運盡北斗將星飛旗鼓臨沙漠旌旄出洛畿關

山遶玉塞烽火映金微屢獻帷謀策頻承廟勝威躡蹠

臨河騎逶迤度隴旂地脉平千古天聲振九圍車馬生

邊氣戈鋌駐落暉夏近蓬酋轉秋深草木腓餞送紆天

什恩榮賜御衣佇勒燕然頌鳴騶計日歸

奉和

賀知章

荒憬

一作境

盡懷忠梯航已自通九攻雖不戰五月尚持

戎遣戍徵周牒恢邊重漢功選車命元宰授律取文雄

胄出天弧上謀成帝幄中詔旂分夏物專討錫唐弓帳

宿伊川右鉦傳晉苑東甕人藉蕢實樂正理絲桐岐陌

涵餘雨離川照晚虹恭聞詠方叔千載舞皇風

奉和

席豫

聖主重兵權分符一作屬大賢中軍仍執政丞相復巡

邊翕習戎裝動張皇廟略宣朝榮承睿札野餞轉行旃

亭障東緣海沙場北際天春冬見巘雪朝夕候烽煙已

勒封一作燕山記一作頌猶聞遣戍篇五營將月合八陣與

雲連經略圖方遠懷柔道更全歸來畫麟閣藹藹武功

傳

奉和

張九齡

宗臣事有征廟筭在休兵天與三台座人當萬里城朔

南方偃革河右一作北整揚旌寵錫從仙禁光華出漢京

山川勤遠略原隰軫皇情為奏薰琴唱仍題寶劍名聞

風六郡伏計日五戎平山甫歸應疾留侯功復成歌鐘

旋可望衽席豈難行四牡何時入吾君憶履聲

奉和

王丘

德業蘊時宗幽符夢象通台司計祈父師律總元戎出

入敷能政謀猷體至公贈行光睿計宴別感宸衷文炳

高天曜恩垂湛露融建牙之塞表鳴鼓接雲中策密鬼

神秘威成劍騎雄朔門正炎月兵氣已秋風肅殺從此

始方知胡運窮

奉答

張說

禮樂逢明主韜鈴用老臣恭憑神武策遠禦一作靜鬼方
人供帳榮恩餞山川喜詔巡天文日月麗朝賦管絃新
幼志傳三略衰材謝六鈞膽猶忠作伴一作屏心故道為
隣漢保河南地胡清塞北塵連年大軍後不日小康辰
劍舞輕離別歌酣忘苦辛從來思博望許國不謀身

餞王駿巡邊

玄宗

振武威荒服揚文肅遠墟金壇申將禮玉節授軍符免
胄三方外銜刀萬里餘昔時吳會靜今日虜庭虛分闔
仍推轂援桴且訓車風揚旌旆遠雨洗甲兵初坐見台
下謚行聞祆祲除檄來湏插羽箭去亦飛書舟楫功斯
著鹽梅望匪疎不應陳七德欲使化先敷

奉和

張說

六月歌周雅三邊遣一作論夏卿欲施攻戰法先作簡稽
行禮樂知謀帥春秋識用兵一勞堪定國萬里即長城
策有和戎利威傳破虜名軍前雨灑道樓上月臨營別
藻瑤華降同衣錦褱榮關山由義近戈甲為恩輕絲竹
路傍散風雲馬上生朝廷謂吉甫邦國望君平

奉和

張九齡

漢相推人傑殷宗伐鬼方還聞出將重坐見即戎良上

策應爲豫中權且用光令申兵氣倍威愴一作虜魂亡
樹比公孫大城如道濟長夏雲登隴首秋露泫遼陽武
德舒宸睠文思餞樂章感恩身既許激節膽猶嘗祖帳
傾朝列軍麾駐道傍詩人何所詠尚父欲鷹揚

送趙二尚書彥昭北伐

張說

虜地河水合邊城備此時兵連紫塞路將舉白雲司提

劍榮中貴

一作賞

銜枚盛出師日華光

一作鮮

組練風色焰

一作艷

旌旗投筆尊前起橫戈馬上辭梅花吹別引楊柳

賦新

一作歸

餞趙尚書攝御史大夫赴朔方軍蘇頌

勁虜欲南窺

一作飛

揚兵護朔陲趙堯寧易印鄧禹卽分

麾野餞迴三傑軍謀用

一作出

六奇雲邊愁

一作看

出塞日

下恰臨岐拔劍行人舞揮戈戰馬馳明年麟閣上充國

畫

一作拜

餞薛大夫護邊

李嶠

荒隅時未通副相下臨戎授律星芒動分兵月暈空犀
皮擁青橐象齒飾彫弓決勝三河勇長驅六郡雄登山
窺代北屈指計遼東佇見燕然上抽毫頌武功

前題

無名氏

戎王歸漢命魏絳諭皇恩旌旆辭雙闕風沙上五原往

非律五言

卷三十六

途遵塞道出祖耀都門策令天文盛宣威使者尊澄波
看四海入貢佇諸蕃秋杪迎迴騎無勞枉夢魂

夏日都門送司馬員外逸客孫員外佺北征

時相王爲

元帥魏大夫元忠爲副

沈佺期

二庭追虜騎六月動周師廟略天人授軍麾相國持復
言徵二妙才令重當時畫省連征橐橫門共別詞雲迎
出塞馬風卷度河旗計日方夷寇旋聞杖杜詩

前題

李义

日逐滋南寇天威撫北垂析珪行仗節持印且分麾羽
檄雙鳧去兵車駟馬馳虎旗懸氣色龍劍抱雄雌候月

期戡剪經時念別離坐聞關隴外無復引弓兒

送盧管記僊客北伐

沈佺期

羽檄西北飛交城日夜闡廟堂盛徵選戎幕生光輝鴈
行度函谷馬首向金微湛湛山川暮蕭蕭涼氣稀餞途
予憫默赴敵子英威今日楊朱淚無將灑鐵衣

送梁公昌從信安北征

李白

入幕推英選捐書事遠戎高談百戰術鬱作萬夫雄起
舞蓮花劍行歌明月宮將飛天地陣兵出塞垣逼祖席
留丹景征麾拂彩虹旋應獻凱入麟閣佇深功

送莫甥兼諸昆弟從韓司馬入西軍

孟浩然

念爾昔詩禮未曾違一作離戶庭平生早偏露一作嚴君先早露

萬里更飄零坐棄三牲養一作冬業行觀八陣形飾裝辭故

里謀策赴邊庭壯志吞鴻鵠遙心伴鶴鴿所從文與武

不戰自應寧

送劉校書從軍

楊炯

天將下三宮星門召五戎坐謀資廟略飛檄佇文雄赤

土流星劒烏號明月弓秋陰生蜀道殺氣繞湟中風雨

何年別琴尊此日同離亭不可望溝水自西東

送駱奉禮從軍

李嶠

三塞邊烽舉金壇廟略申羽書資銳筆戎幕引英賓劒

動三軍氣衣飄萬里塵琴樽留別賞風景惜離晨笛梅

台晚吹營柳帶餘春希君勒石返歌舞入城闈

暮春送朝集使歸郡

奉和聖製

王維

萬國仰宗周衣冠拜冕旒玉乘迎大客金節送諸侯祖

席傾三省褰帷向九州楊花飛上路槐色蔭通溝來預

釣天樂歸分漢主憂宸章類河漢垂象滿中洲

峴山送蕭員外使荊州

孟浩然

峴山江岸曲郢水郭門前自古登臨處非今獨黯然亭

樓明落照一作日井邑秀通川澗竹生幽興林風入管絃

再飛鵬激水一舉鶴冲天佇立三荆使看君駟馬旋

二妃廟送裴侍御使桂陽

李頎

沅上秋草晚蒼蒼堯女祠無人見精魄萬古寒猿悲桂
水身歿後椒漿神降時回雲迎赤豹驟雨颯文狸受命
出炎海焚香徵楚詞乘驄感遺跡一弔清川湄

送楊六判官使西蕃

杜甫

送遠秋風落西征海氣寒帝京氛祲滿人世別離難絕
域遙懷怒和親願結歡敕書憐贊普兵甲望長安宣命
前程急惟良待士寬子雲清自守今日起爲官垂淚方
投筆傷時卽據鞍儒衣山鳥恠漢節野童看邊酒排金

一作
北盤

夷歌捧玉盤草肥蕃馬健雪重拂盧乾慎爾參

籌畫從茲正羽翰歸來權可取九萬一朝搏

南中送北使

張說

傳聞合浦葉曾向洛陽飛何日南風至還隨北使歸紅
顏度嶺歇白首對秋衰高闕何由見層堂不可違誰憐
炎海曲淚盡血沾衣

待罪居重譯窮愁暮雨秋山臨鬼門路城繞瘴江流人
事今如此生涯尚可求逢君入鄉縣傳我念京周別恨
歸途遠離言暮景適夷歌翻下淚虜酒未消愁聞有胡
兵急深懷漢國羞和親先是詐款塞果爲讎釋繫應分

爵蠲徒幾復侯廉頗誠未老孫叔且無謀若道馮唐事
皇恩尚可收

季冬送戶部郎中使黔府選補
盧僎

握鏡均荒服分衡得大同徵賢一臺上補吏五谿中雨
露將天澤文章播國風漢庭睽直諒楚峽望清通馬逐
霜鴻漸帆沿曉月空還期鳳池拜照耀列星宮

龍門送裴侍御監五嶺選
李頎

萬里番禺地官人繼帝憂君為柱下史將命出東周歇
馬傍川路張燈臨石樓稜稜靜疎木淖淖響寒流榔葉
四荒外梅花五嶺頭明珠尉佗國翠羽夜郎洲夷俗富

最持姦當去尤何辭桂江遠今日用賢秋

送蔡少府赴登州推事
高適

膠東連卽墨萊水入滄溟國小常多事人訛屢抵刑公
才微郡邑詔使出郊坰標格誰當犯風謠信可聽崢嶸
大峴口邈迤汶陽亭地迴雲偏白天秋山更青祖筵方
卜晝王事急侵星勸爾將為德斯言蓋有經

暮春江陵送馬大卿公恩命追赴闕下

杜甫

自古求忠孝名家信有之吾賢富才術此道未磷緇玉

府標孤映霜蹄去不疑激揚音韻徹籍甚衆多推潘陸
應同調孫吳亦異時北宸徵事業南紀赴恩私卿月昇
金掌王春度玉墀薰風行應律湛露卽歌詩天意高難
問人情老易悲樽前江漢闊後會且深期

奉送嚴侍郎入朝

鼎湖瞻望遠象闕憲章新四海猶多難中原憶舊臣與
時安反側自昔有經綸感激張天步從容靜塞塵南圖
迴羽翮北極捧星辰漏鼓還思晝宮鶯罷囀春空留玉
帳術愁殺錦城人閣道通丹地江潭隱白蘋此生那老
蜀不死會歸秦公若登台輔臨危莫愛身

送嚴侍郎到綿州

同登杜使君江樓作得心字

野興每難盡江樓延賞心歸朝送使節落景惜登臨稍
稍煙集渚微微風動襟重船依淺瀨輕鳥度層陰檻峻
背幽谷牕虛交茂林燈光散遠近月彩一作影靜高深城
擁朝來客天橫醉後參窮途衰謝意苦調短長吟此會
共能幾諸孫賢至今不勞朱戶閉自待白河沈

送禰郎中

王維

東郊春草色驅馬去悠悠况復鄉山外猿啼湘水流島
夷傳露版江館候鳴騶卉服爲諸吏珠官拜本州孤鶯
吟遠墅野杏發山郵早晚方歸奏南中纔忌秋

送耿漳拾遺聯句

堯舜逢明主嚴徐得侍臣分行接三事高興柏梁新顏

卿楚國千山道秦城萬里人鏡中看齒髮河上有煙塵

漳望闕飛青翰朝天憶紫宸喜來歡宴洽愁去詠歌頻

真卿顧盼情非一睽攜處亦頻吳興賢太守臨水最殷

勤漳

宋公宅送竄諫議

宋之問

宋公爰創宅庾氏更誅茅間出人三秀平臨楚四郊漢
臣來絳節荆牧動金鏡樽溢宜城酒笙裁曲沃匏雲荷
新變節風柳夕鳴梢一散陽臺雨方隨越鳥巢

春日鄭協律山亭陪餞鄭卿

同用儂字

潘園枕郊郭愛客坐相求尊酒東城外驂駢南陌頭池
平分洛水林缺見嵩丘暗竹侵山徑垂楊拂妓樓彩雲
歌處斷遲日舞前留此地何年別蘭房空自幽

泛舟送鄭卿入京

杜審言

帝坐蓬萊殿恩追社稷臣長安遙向日宗伯正乘春相
宅開基地傾都送别人行舟縈淥水列戟滿紅塵酒助
歡娛洽風催景氣新此時光乃命誰為惜無津

送閻校書之越

丘為

南入剡中路草雲應轉微湖邊好花照山口細泉飛此

地饒古跡世人多忘歸經年松雪在永日世情稀芸閣
應相望芳時不可違

漕橋東送新除岳牧

奉和聖製

蘇頌

寶賢不遺俊臺閣盡鷓鷯未若調人切其如簡帝難上
才膺出典中旨念分官特以專城貴深惟列郡安政行
思務本風靡屬勝殘有令田知急無分獄在寬至言題
睿札殊渥灑仙翰詔餞三台降朝榮萬國歡舉杯臨水
發張樂擁橋觀式佇東封會鏘鏘檢玉壇

洛橋北亭餞諸刺史

應詔

張說

離亭拂御溝岍曲舞船樓詔餞朝廷牧符分海縣憂服

送入郡父母更臨州扇逐仁風轉車隨霖一作靈雨流
恩光水上溢榮色柳間浮預待羣方最三公不遠求

禁苑餞諸刺史

應令

褚亮

大藩初錫瑞出牧邇皇京暫以綠車重言承朱傳一作邸
榮舒桃臨遠騎垂柳映京營惠化宣千里威風動百城
禁籞芳嘉節神襟餞送情金笳催別景玉琯切離聲野
花開更一作且落山鳥哢還驚微臣夙多幸薄宦奉儲明
釣臺慙作賦伊水濫聞笙懷德良知久酬恩識命輕

送崔日知往潞州

玄宗

潞國開新府壺關寵舊林妙旌一作精循吏德持悅庶氓

心禮樂中朝貴神明列郡欽揚風非贈扇易俗是張琴
藩鎮謳謠滿行宮雨露深會書丞相策先賜潁川金

奉和 張說

聖情留一作曩一作重鎮佳氣翊興王增戟雄都府高車
轉太常川橫八練闊山帶五龍長連帥初恩命天人舊
紀綱餞塗飛御藻闔境自生光明主徵循吏何年下鳳
皇

送蘇州李二十五長史之任 杜甫

星拆台鼎地曾為人所憐公侯終必復經術竟相傳食
德見從事克家何妙年一毛生鳳穴三尺獻龍泉赤璧

浮春暮姑蘇落海邊客間頭最白惆悵此離筵


送盧郎中除杭州赴任 岑參

罷起郎官草初分刺史符海雲迎過楚江月引歸吳城
底濤聲震樓端蜃氣孤千家窺驛舫五馬飲春湖柳色
供詩用鶯聲送酒須知君望鄉處枉道上姑蘇

送韋商州弼 沈佺期

會府應文昌商山鎮國陽聞君監郡史暫罷尚書郎王
事嗟相失人情貴不忘累年同畫省四海接文場點翰
芳春色傳杯明月光故交從此去遙憶紫芝香

夏日梁王席送張岐州



秦雞常下雍周鳳昔鳴岐此地推雄撫惟良寄在斯家
傳七貂貴人擅八龍竒高傳生光彩長林歎別離天人
開祖席朝案候征麾翠帟當郊敞彤幃向野披芄芑秋
麥盛苒苒夏條垂奏計何時入台階望羽儀

餞澤州盧使君赴任

蘇頲

聞道降綸書爲邦建綵旗政憑循吏往才以貴卿除詞
賦良無敵聲華藹有餘榮承四岳後清絕五天初關路
通秦壁城池繞一作晉墟撰期行子賦分典列侯居別
望喧追餞離言繫慘舒平蕪寒葢亂喬木夜蟬踈寥泚
秋先起推移月向諸舊交何以贈客至待烹魚

送陵州路使君赴任

杜甫

王室比多難高官皆武臣幽燕通使者岳牧用詞人國
待賢良急君當拔擢新佩刀成氣象行蓋出風塵戰伐
乾坤破瘡痍府庫貧衆寮宜潔白萬役但平均霄漢瞻
佳士泥塗任此身秋天正搖落回首大江濱

送梓州李使君之任

籍甚黃丞相能名自潁川近看除刺史還喜得吾賢五
馬何時到雙魚會早傳老思筇竹杖冬要錦衾眠不作
臨岐恨唯聽舉最先火雲揮汗日山驛醒心泉遇害陳
公殞于今蜀道憐君行射洪縣爲我一潸然

送李太守赴上洛

王維

商山包楚鄧積翠藹沈沈驛路飛泉灑關門落照深野
花開古戍行客響空林版屋春多雨山城晝欲陰丹泉
通號略白羽抵荆岑若見西山爽應知黃綺心

湖南送敬十使君適廣陵

杜甫

相見各頭白其如離別何幾年一會面今日復悲歌少
壯樂難得歲寒心匪他氣纏霜匣滿冰置玉壺多遭亂
實漂泊濟時曾琢磨形容吾較老膽力爾誰過秋晚嶽
增翠風高湖湧波騫騰訪知已淮海莫蹉跎

送鄭司倉入蜀

盧照隣

離人丹水北遊客錦城東別意還無已離憂自不窮隴
雲朝結陣江月夜臨空關塞疲征馬霜氛落早鴻潘年
三十外蜀道五千中送君秋水曲酌酒對秋風

暮冬送蘇四郎僖兵曹適桂州

杜甫

飄飄蘇季子六印佩何遲早作諸侯客兼工古體詩爾
賢埋照久余病長年悲盧綰須征日樓蘭要斬時歲陽
初盛動王化久磷緇爲入蒼梧廟看雲哭九疑

送合宮蘇明府頌

宋之問

鉉府誕英規公才天下知謂乘羔鴈族繼入鳳皇池赤
縣求人隱青門起路岐翟迴車少別鳧化鳥遙馳神哭

周南境童歌渭北垂賢哉苟奉倩袞職佇來儀

前題

張說

都邑羣方首商泉舊俗訛變風須愷悌成化佇絃歌疇
昔珪璋友雍容文雅多振纓遊省闈鏘玉宰京河別曲
鸞初下行軒雉尚過百壺非餞意流詠在人和

送喬安邑備

書閣移年歲文朋難復辭歡言冬雪滿恨別夏雲滋外
尹方為政高明自不欺老人駮馭往童子狎雛一作嬉
日茂西河俗寂寥東觀期遙懷秀才令京洛見新詩

夏夜李尚書筵送宇文石首赴縣聯句

愛客尚書重之官宅相賢杜甫酒香傾座側帆影駐江

邊之芳翟表郎官瑞鳧看令宰仙或雨稀雲葉斷夜久

燭花偏甫數語歌紗帽高文擲綵牋之芳興饒行處樂

離惜醉中眠或單父長多暇河陽實少年甫客居逢自

出為別幾淒然之芳

送盧少府赴延陵

李頎

問君從宦所何日府中趨遙指金陵縣青山天一隅行
人懷寸祿小吏獻新圖北固波濤險南天風俗殊春江
連橘柚晚景媚菰蒲漠漠花生渚亭亭雲過湖灘沙映
村火水霧斂檣鳥回首東門路鄉書不可無

送光祿劉主簿之洛

李嶠

函谷雙嶠右伊川二陝東仙舟宵將隔芳華
蹇云同朋席餘歡盡文房舊侶空他鄉千里月
岐路九秋風背櫂嘶班馬分洲叫斷鴻別後青
山外相望白雲中

送崔錄事赴宣城

高適

大國非不理小官皆用才欲行宣城郡一作印住飲洛陽
杯晚景爲人別長天無鳥迴舉帆風波渺倚棹
江山來羨爾兼乘興蕪湖千里開

送二十三舅錄事之攝郴州

杜甫

賢良歸盛族吾舅盡知名徐庶高交友劉牢出外
甥泥

塗豈珠玉環堵但柴荆衰老悲人世驅馳厭甲
兵氣春江上別淚血渭陽情舟鷁排風影林鳥反
哺聲永嘉多北至勾漏且南征必見公侯復終聞
盜賊平郴州頗涼冷橘井尚淒清從役何蠻貊居
官志在行

送郭僕射節制劔南

岑參

鐵馬擐紅纓幡旗出禁城明王親授鉞丞相欲專
征玉饌天厨送金杯御酒傾劔門乘嶮過閣道踏空
行山鳥驚吹笛江猿看洗兵曉雲隨去陣夜月逐行
營南仲今時往西戎計日平將心感知已萬里寄
懸旌

送郭中丞兼太僕卿充隴右節度使

非律

五言

卷三十一

二十一

杜甫

詔發西山將秋屯隴右兵淒涼餘部曲燁一作赫舊家
 聲鷓鴣乘時去驂騑顧主鳴艱難須上策容易即前程
 斜日當軒蓋高風捲旆旌松悲天水冷沙亂雪山清和
 虜猶懷惠防邊詎一作不敢驚古來於異域鎮靜示專征
 燕薊奔封豕周秦觸駭鯨中原何慘黷餘孽尚縱橫箭
 入昭陽殿笳吟細柳營內人紅袖泣王子白衣行宸極
 妖星動園陵殺氣平空餘金椀出無復總帷輕毀廟天
 飛雨焚宮火徹明呆愚朝共落榆桷夜同傾三月師逾
 整羣胡勢就烹瘡痍親接戰勇決冠垂成妙譽期元宰

弟七十城耻非齊說客甘似魯諸生通籍微班忝周行
 獨坐榮隨肩趨漏刻短髮寄簪纓徑欲依劉表還疑厭
 禰衡漸衰那此別忍淚獨含情廢邑狐狸語空村虎豹
 爭人頻墜塗炭公豈忘精誠元帥調新律前軍壓舊京
 安邊仍扈從莫作後功名

同餞陽將軍兼源州都督御史中丞

蘇頌

右地接龍沙中朝任虎牙然明方改俗去病不為家將
 禮登壇盛軍容出塞華朔風搖漢鼓邊月思胡笳旗合

無邀正冠危有觸邪當看勞還日及此御溝花

送趙順直郎中赴安西副大都督 張說

絕鎮功難立懸軍命匪輕復承遷一作還相後彌重任賢

情將起神仙地才稱禮樂英長心堪繫虜短語足論兵

日授休門法星教置陣名龍泉恩已著一作署燕領相終

成月窟窮天遠河源入塞清老夫操別翰承旨頌營一作

昇平

幸望春宮送朔方總管張仁亶奉和聖製李嶠

玉塞征驕子金符命老一作世臣三軍張武旆萬乘餞行

輪猛氣凌玄朔崇恩降紫宸投醪還結一作得士辭第奉

一作在忘身露下鷹初擊風高鷹欲賓方銷塞北禊還靖

漠南塵

前題 李义

邊郊草具腓河塞有兵機上宰調梅寄元戎細柳威虎

貔東道出鷹隼北庭飛玉匣謀中野金輿下太微投醪

銜餞酌緝衮事征衣勿謂公孫老行聞奏凱歸

前題 劉憲

命將擇耆年圖功勝必全光輝萬乘餞威武二庭宣中

衢橫鼓角曠野蔽旌旃推食天厨至投醪御酒傳涼風

過鴈苑殺氣下雞田分閫恩何極臨岐動睿篇

前題

蘇頌

北風吹早鴈日夕渡河飛氣冷膠一作應折霜明草正

腓老臣帷幄算元宰廟堂幾一作餞飲迴仙蹕臨戎解

御衣軍裝乘曉發師律候春歸方佇勳庸盛天詞降紫

微

送趙都護赴安西

張九齡

將相有更踐簡心良獨難遠圖嘗畫地超拜乃登壇戎
即崑山序車同渤海單義無中國費情必遠人安他日
文兼武而今粟且寬自然來月窟何用刺樓蘭南至三
冬晚西馳萬里寒封侯自有處征馬去嘽嘽

前題

孫逖

外城分都護中臺命職方欲傳清廟略先一作取劇曹

郎已佩登壇印猶懷伏奏香一作百壺開詔一作餞駟

牡結一作誠戎裝青海連西掖一作黃河帶北涼關山瞻

漢月戈劍宿胡霜體國才先著論兵策復長果持文武

術還繼杜當陽

前題

盧象

下客候旌麾元戎復在斯門開都護府兵動羽林兒黠
虜多翻覆謀臣有別離智同天所授恩共日相隨漢使
開賓幕胡笳送酒卮風霜迎馬首雨雪事魚麗上策應

無戰深情屬載馳不應行萬里明主寄安危

送韓使君除洪州都曹

孟浩然

述職撫荆衡分符襲寵榮往來看擁傳前後賴專城勿

剪棠猶在波澄水更清重推江漢理一作治旋改豫章行

召父多遺愛羊公有令名衣冠列祖道耆舊擁前旌一作

程峴首晨風送一作接江陵夜火迎無才慙孺子千里愧

同聲

送史司馬赴崔相公墓

岑參

崢嶸丞相府清切鳳凰池美爾瑤臺鶴高棲瓊樹枝歸

飛晴日好吟弄惠風吹正有乘軒樂初當學舞時珍禽

在羅網微命若遊絲願托周周羽相銜谿水湄

餞王岑判官赴襄陽道

故人漢陽使走馬向南荆不厭楚山路祇憐襄水清津

頭習氏宅江上夫人城夜入橘花宿朝穿桐一作楓葉行

害羣應自懾持法固須平甃得青門醉斜光速去程

送覃二判官

杜甫

先帝一作皇弓劍遠小臣餘此生蹉跎病江漢不復謁承

明餞爾白頭日永懷丹鳳城遲遲戀屈宋渺渺臥荆衡

菟斷航舸失天寒沙水清肺肝若稍愈亦上赤霄行

重送劉十弟判官

掛律 卷三十一 二十九
分源豕韋派別浦鴈賓秋年事推兄忝人才覺弟優經
過辨豐劍意氣逐吳鈎垂翅徒衰老先鞭不滯留本枝
凌歲晚高義豁窮愁他日臨江待長沙舊驛樓

送柴司戶充劉卿判官之嶺外 高適

嶺外資雄鎮朝端寵節旄月卿臨幕府星使出詞曹海
對羊城闊山連象郡高風霜驅瘴癘忠信涉波濤別恨
隨流水交情脫寶刀有才無不適行矣莫徒勞

餞宋八充彭中丞判官之嶺外

覩君濟時略使我氣填膺長策竟不用高才徒見稱一
朝知己達累日詔書徵羽翮忽然就風颺誰敢凌舉鞭

趨一作嶺嶠嶺嶠一作嶠屈指冒炎蒸北鴈送馳驛南人思飲

冰彼邦本倔強習俗多驕矜翠羽干平法黃金撓直繩
若將除害馬慎莫信蒼蠅魑魅寧無患忠貞適有憑猿
啼山不斷鳶跼路難登海岸出交趾江城連始興繡衣
當節制幕府盛威稜勿憚九嶷險須令百越澄立談多
感激行李卽嚴凝離別胡爲者雲霄遲爾昇

送宋休遠之蜀任 張說

求友殊損益行道異窮申綴我平生氣吐贈薄遊人結
恩事明主忍愛遠辭親色麗成都俗膏腴蜀水濱如何
從宦子堅白共緇磷日月千齡旦河山萬族春懷鉛書

瑞府橫草事邊塵不及安人吏能令王化淳

送歐陽會稽之任

王昌齡

懷祿貴心賞東流山水長官移會稽郡地邇上虞鄉緩
帶屏紛雜漁舟臨訟堂逶迤迴谿趣一作猿嘯飛鳥行
萬室霽朝雨千峰迎夕陽輝輝遠洲映曖曖澄湖光白
髮有高士青春期上皇應須枉車歇為我訪荷裳

送熊九赴任安陽

王維

魏國應劉後寂寥文雅空漳河如舊日之子繼清風阡
陌銅臺下閭閻金虎中送車盈灞上輕騎出關東相去
千餘里西園明月同

餞鄭安陽入蜀

駱賓王

彭山一作折坂外井絡少城隈地是三巴俗人非百里
才畏一作途君悵望岐一作路我徘徊心賞風煙隔容
華歲月催遥遥分鳳野去去轉龍媒遺錦非前邑鳴琴
卽舊臺劍門千仞起石路五丁開海客乘槎渡仙童馭
竹迴魂將離鶴遠思逐斷猿哀唯有雙鳧鳥飛去復飛
來

送二季之江東

李白

初發強中作題詩與惠連多慙一日長不及二龍賢西
塞當中路南風欲進船雲峰出遠海帆影挂晴川禹穴

藏書地匡山種杏田此行俱有適遲爾早歸旋

送儲邕之武昌

黃鶴高一作西樓月長江萬里情春風三十度空憶武昌

城送爾難為別銜杯惜未傾湖連張樂地山逐泛舟行

諾謂楚人重詩傳謝朓清滄浪吾有曲寄入棹歌聲

送王昌齡之嶺南

孟浩然

洞庭去遠近楓葉早驚一作經秋峴首羊公愛長沙賈誼

愁土毛一作風無縞紵鄉味有槎頭已抱沈痼疾更貽魑

鬼一作憂數年同筆硯一作多關一作異惟一作金禱一作意氣一作今可一作王謂一作思

望斗牛

送楊六望赴金水

宋之問

借問梁山道嶽岑幾萬重遙州刀作路一作字絕壁劍為

峰惜別路窮此留歡意不從憂來生白髮時晚愛青松

勿以西南遠夷歌寢盛容台階有高位寧復久臨邛

秦中送李九赴越

高適

攜手望千里于今將十年如何每離別心事復迢迢適

越雖有以出關終耿耿愁霖一作秋林不可向長路或難前

吳會獨行客山陰秋夜船謝家徵故事禹穴訪遺編鏡

水君所憶蓴羹余舊便歸來莫忘此兼示濟江篇

送吳七遊蜀

駱賓王

日觀分齊壤星橋抵蜀門桃花嘶別路竹葉瀉離樽夏
盡蘭猶茂秋新一作深柳尚繁霧銷山望迴風高野聽喧
勞歌徒欲奏贈別竟無言唯有當秋月空照野人園

送紀秀才遊越

李白

海水不滿眼觀濤難稱心即知蓬萊石却是巨鼇簪送
爾遊華頂令予發鳥吟仙人居射的道士住山陰禹穴
尋谿入雲門隔嶺深綠蘿秋月夜相憶在鳴琴

峴山送張去非遊巴東

孟浩然

峴山南郭外送別每登臨沙嶺江村近松門山寺深一
言予有贈三峽爾將尋祖席宣城酒征途雲夢林蹊

遊子意眷戀故人心去矣勿淹滯巴東猿夜吟

金陵送張十一再遊東吳

李白

張翰黃花句風流五百年誰人今繼作夫子世稱賢再
動遊吳棹還浮入海船春光白門柳霞色赤城天去國
難為別思歸各未旋空餘賈生淚相顧共悽然

送漪叔遊潁川兼謁淮陽太守

李頎

罷吏今何適辭家方獨行嵩陽入歸夢潁水半前程聞
道淮陽守東南臥理清郡齋觀政日人馬望鄉情疊嶺
雪初霽寒砧霜後鳴臨川嗟拜手寂寞事躬耕

送皇甫曾遊襄陽山水兼謁韋太守

峴山枕襄陽滔滔江漢長山深臥龍宅水淨斬蛟鄉元
凱春秋傳昭明文選堂風流滿今古煙島思微茫白鴈
暮衝雪青林寒帶霜蘆花獨戍晚柑實萬家香舊國欲
茲別輕舟眇未央百花亭漫漫一柱觀蒼蒼按俗荆南
牧持衡吏部郎逢君立五馬應醉習家塘

送友人尋越中山水

李白

聞道稽山去偏宜謝客才千巖泉灑落萬壑樹縈迴東
海橫秦望西陵繞越臺湖清霜鏡曉濤白雪山來八月
枚乘筆三吳張翰杯此中多逸興早晚向天台

送丘爲下第

一作嚴維

祖詠

滄江一身客獻賦空十年明主豈能好今人誰舉賢國
門稅征駕旅食謀歸旋曠日媚春水綠蘋香客船無媒
旣不達予亦思歸田

送嚴黃門拜御史大夫再鎮蜀川兼覲省

岑參

授鉞辭金殿承恩戀玉墀登壇漢主用講德蜀人思副
相韓安國黃門向子期刀州重入夢劔閣再題詞春草
連青綬晴花間赤旗山鶯朝送酒江月夜供詩許國分
憂日榮親色養時蒼生望已久來去不應遲

送許八拾遺歸江寧覲省

甫昔時嘗客遊此縣於許生處乞瓦棺寺維摩

杜甫

詔許一作大語辭中禁慈顏赴一作榮到北堂聖朝新孝理祖

席倍輝光內一作贈帛擎偏重宮衣著更香淮陰清一作新

夜驛京口渡江航春隔離人晝秋期燕子涼一作趨庭曙山

添扇賜書誇父老壽酒樂城隍一作十年過父看畫曾

饑渴追蹤恨森茫虎頭金粟影神妙獨難忘

送陶銑棄舉荆南覲省

岑參

明時不愛壁浪跡東南遊何必世人識知君輕五侯采
蘭度漢水問絹過荊州異國有歸興去鄉無客愁天寒
楚塞雨月淨襄陽秋坐見吾道遠令人看白頭

奉送李賓客荆南迎親

迎親辭望苑恩詔下儲闈昨見雙魚去今看駟馬歸驛
帆湘水闊客舍楚山稀手把黃香扇身披萊子衣鵲隨
金印喜烏傍板輿飛勝作東征賦還家滿路輝

前題

獨孤及

宗室劉中壘文場謝客兒當為天北斗曾使海西陲毛
節精誠著銅樓羽翼施還申供帳別言赴倚門期恩渥
霑行李晨昏在路岐君親兩報遂不敢議傷離

送大理封主簿五郎親事不合却赴通州主簿前

州賢子余與主簿平章鄭氏女子垂欲納采鄭氏伯父京書至女子已許他族親事遂停

杜甫

禁臠去東牀趨庭赴北堂風波空遠涉琴瑟幾虛張渥
水出騏驎崑山生鳳凰兩家誠款款中道許蒼蒼頗謂
晉秦匹從來王謝郎青春動才調白首缺輝光玉潤終
孤立珠明得暗藏餘寒折花卉恨別滿江鄉

送竇司馬貶宜春

李白

天馬白銀鞍親承明主歡闔雞金宮一作閨裏射鴈碧雲
端堂上羅中貴歌鐘清夜闌何言謫南國拂劍坐長歎
趙璧為誰點隨珠枉被彈聖朝多雨露莫厭此行難

送男彥輔左貶

林氏

他日初投杼勤王在飲冰有辭期不罰積意許相仍謫
宦今何去銜冤猶未勝天涯分越徼驟騎速毘陵腸斷
腹非苦書傳寫豈能淚添江水遠心劇海雲蒸明月珠
難識甘泉賦可稱但將忠報主何懼點青蠅

送李庶子致仕還洛

楊炯

此地傾城日由來供帳華亭逢李廣騎門接邵平瓜原
野煙氛匝關河遊望賒白雲斷巘岫綠草覆江沙詔賜
扶陽宅人榮御史車灞池一相送流涕向煙霞

送金卿歸新羅

陶翰

奉義朝中國殊恩及遠臣鄉心遙渡海客路再經春落

日誰同望孤舟獨可親拂波銜木鳥偶宿泣珠人禮樂
夷風變衣冠漢制新青雲已干呂知汝重來賓

冬晚送長孫漸舍人歸州

杜甫

參卿休坐幄蕩子不還鄉南客瀟湘外西戎鄠杜傍
年傾蓋晚費日繫舟長會面思來札銷魂逐去檣雲晴
鷗更舞風急一作鴈無行匣裏雌雄劍吹毛任選將

送秘書晁監還日本國

序曰晁觀羣后有苗不格禹會諸侯防風後至動干

戚之舞興斧鉞之誅乃貢九牧之金始頒五瑞之玉我開元天地大寶聖文神武應道皇帝大道之行先天下布化乾元廣運涵育無垠若華為東道之標戴勝為西門之候豈甘心於節杖非徵貢於包茅亦由呼邪來朝舍於蒲葢之館俾彌遣使報以蛟龍之錦犧牲玉帛以將厚意服

食器用不寶遠物百神受職五老告期况乎戴髮含齒得不稽顙屈膝海東國日本為大服聖人之訓有君子之風正朔本乎夏時衣裳同乎漢制歷歲方達繼舊好於行人滔天無涯貢方物於天子同儀加等位在王侯之先掌次改觀不居蠻夷之邸我無爾詐爾無我虞彼以好來廢關弛禁上敷文教虛至實歸故人民謀居往來如市晁司馬結髮遊聖負笈辭親問禮於老聃學詩於子夏魯借車馬孔丘遂適於宗周鄭獻縞衣季札始通於上國名成太孳官至客卿必齊之姜不歸娶於高國在楚猶晉亦何獨於由余遊宦三年願以君羹遺母不居一國欲其畫錦還鄉莊舄既顯而思歸關羽報恩而終去於是稽首北闕裹足東轅篋命賜之衣懷敬問之詔金簡玉字傳遺經於絕域之人方鼎爨樽致分器於異姓之國琅琊臺上迴望龍門碣石館前復然鳥逝鯨魚噴浪則萬里倒迴鷗首乘雲則八風卻走扶桑若薺鬱島如萍沃白日而簸三山浮蒼天而吞九域黃雀之風動地黑蜃之氣成雲森不知其所之何相思之可寄嘻去

帝鄉之舊故謂本朝之君臣詠七子之詩佩兩國之印恢我王度論彼蕃臣三寸猶存樂毅辭燕而未老十年在外信陵歸魏而逾尊于其行乎余贈言者王維

積水不可極安知滄海東九州何處遠一作所萬里若乘

空向國唯看日歸帆但信風鰲身映天黑魚眼射波紅

鄉樹扶桑外主人孤島中別離方異域音信若為通

送王信州峯北歸

杜甫

朝廷防盜賊供給愍誅求下詔選郎署傳聲典信州蒼生今日困天子嚮時憂井屋有煙起瘡痍無血流壤歌惟海甸畫角自山樓白髮寐常早荒榛農復秋解龜踰臥轍遣騎覓扁舟徐榻不知倦潁川何以酬塵生彤管

筆寒膩黑貂裘高義終焉在斯文去矣休別離同雨散行止各雲浮林熱鳥開口江渾魚掉頭尉佗雖北拜太史尚南留軍旅應都息寰區要盡收九重恩諫諍八極念懷柔徙倚瞻王室從容仰廟謀故人持雅論絕塞豁窮愁復見陶唐理甘為汗漫遊

送劉主簿歸金壇

李頎

與子十年舊其如離別何宦遊鄰故國歸夢是滄波京口青山遠金陵芳草多雲帆曉容裔江日晝清和縣郭舟人飲津亭漁者歌茅山有仙洞羨爾再經過

六月三十日水亭送華陰王少府還縣得潭字

岑參

亭晚人將別池涼酒未酣關門勞夕夢仙掌引歸驂荷
葉藏魚艇藤花罨客簪殘雲收夏暑新雨帶秋嵐失路
情無適離懷思不堪賴茲庭戶裏別有小江潭

送薛播擢第歸河東

歸去新戰勝盛名人共聞鄉連渭川樹家近條山雲夫
子能好學聖朝全用文弟兄負世譽詞賦超人羣雨氣
醒別酒城陰低暮曛遙知出關後更有一終軍

送嚴維下第還江東

勿歎今不第似君殊未遲且歸滄洲去相送青門時望

鳥指鄉遠問人愁路疑敝裘沾暮雪歸棹帶流澌嚴子
灘後在謝公文可追江臯如有信莫不寄新詩

送戴三徵君還谷口舊居

釋理瑩

巖穴多遺秀弓車屢遠招周王尊渭叟潁客傲唐堯出
處天波洽關河地勢遙瞻星吳郡夜作霧華山朝清論
虛重席閒居掛一瓢漁歌思坐酌宸渥寵行軺春爲荷
裳暖霜因葛履消層崖懸瀑溜萬壑振清飈谷鳥猶一作
遷木場駒正一作會食苗謝安何日起台鼎佇君調

送祖詠

盧象

田家宜伏臘歲晏子言歸石路雪初下荒村雞共飛東

原多煙火北澗隱寒暉滿酌野人酒倦聞鄰女機胡爲
困樵采幾日罷一作解朝衣

送綦母潛

夫君不得意本自滄海來高足未云騁虛舟空復迴淮
南楓葉落灞岸桃花開出處暫爲耳沈浮安繫哉如何
天覆物還遣世遺才欲識秦將漢嘗聞王與裴離筵對
寒食別雨乘春雷會有辟書至荷衣莫漫裁

送喬琳

李頎

草綠小平津花開伊水濱今君一作今不得意孤負帝鄉
春口不言金帛心常任屈伸阮公能一作惟飲酒陶令肯

羞貧陽羨風流地滄江遊寓人菱歌五湖遠桂樹八公
鄰青鳥迎一作迴孤棹白雲隨一身潮從秣陵上月映石
頭新未可逃名利應須在縉紳汀洲芳杜色勸爾暫垂
綸

新都南亭送郭元振盧崇道

張說

竹徑女蘿躑躅蓮洲文石隄靜深人俗斷尋玩往還迷碧
潭秀初月素林驚夕棲褰幌納蟾影一作鳥理琴聽猿啼
佳辰改宿昔勝寄坐睽携長懷賞心愛如玉復如珪

杭州北郭戴氏荷池送侯愉

崔國輔

秋近萬物肅况當臨水時折花贈歸客離緒斷荷絲誰

謂江國永故人感在茲道存過北郭情極望東菑喬木
故園意鳴蟬窮巷悲扁舟竟何待中路每遲遲

送幽州陳參軍赴任寄鄉曲父老 盧照隣

薊北三千里關西二十年馮唐猶在漢樂毅不歸燕人
同黃鶴遠鄉共白雲連郭隗池臺處昭王樽酒前故人
當已老舊壑幾成田紅顏如昨日衰鬢似秋天西蜀橋
應毀東周石尚全灞池水猶綠榆關月早圓塞雲初上
鴈庭樹欲銷蟬送君之舊國揮淚獨潛然

送魏二十四司直充額南掌選崔郎中判官兼寄

韋韶州

杜甫

選曹分五額使者歷三湘才美膺推薦君行佐紀綱佳
聲期共遠雅節在周防明白山濤鑒嫌疑陸賈裝故人
湖外少春日額南長憑報韶州牧新詩昨寄將

送蔡希魯都尉還隴右因寄高三十五書記

蔡子勇成癖彎弓西射胡健兒寧鬪死壯士耻爲儒官
是先鋒得材緣挑戰須身輕一鳥過槍急萬人呼雲幕
隨開府春城赴上都馬頭金匝駝背錦模糊咫尺雪
山路歸飛西海隅上公猶寵錫突將且前驅漢使一作水
黃河遠涼州白麥枯因君問消息好在阮元瑜

秋日荆南送石首薛明府辭滿告别奉薛尚書頌

德叙懷斐然之作

南征爲客久西候別君初歲滿歸鳧鳥秋來把鴈書荆
門留美化姜被就離居聞道和親入垂名報國餘連枝
不日並八座幾時除往者胡星孛恭惟漢網疎風塵相
瀕洞天地一丘墟殿瓦鴛鴦坼宮簾翡翠虛鈎陳摧徼
道槍纍失儲胥文物陪巡狩親賢病拮据公時呵貔豸
首唱却鯨魚勢愜宗蕭相材非一范睢屍填太行道血
走浚儀渠滄口師仍會函關憤已攄紫微臨大角皇極
正乘輿賞從頻我冕殊恩再直廬豈惟高衛霍曾是接
應徐降集翻翔鳳追攀絕衆狙侍臣雙宋玉戰策兩穰

直鑿澈勞懸鏡荒蕪已荷鋤嚮來披述作重此憶吹噓
白髮甘凋喪青雲亦一作已卷舒經綸功不朽跋涉體何
如應訝耽湖橘常餐占野蔬十年嬰藥餌萬里狎樵漁
楊子淹投閣鄒生惜曳裾但驚飛熠燿不記改蟾蜍煙
雨封巫峽江淮畧孟諸湯池雖險固遼海尚填淤努力
輸肝膽休煩獨起予

奉和別魯王

李敬玄

綠車旋楚服丹蹕佇秦川珠臯轉歸騎金岸引行旃二
朝限原隰千里間風煙鶯喧上林谷鳧響御溝泉斷雲
移魯蓋離歌動舜絃別念疑神展崇恩洽玳筵顧惟慙

叩寂徒自仰鈞天

前題

楊思玄

元王詩傳博文后寵靈優鶴蓋動宸眷龍章送遠遊函
關疏別道灞岸引行舟北林分苑樹東流溢御溝鳥聲
含羽碎騎影曳花浮聖澤九垓普天文七曜周方圖獻
雅樂簪帶奉鳴球

西行別東臺詳正學士

駱賓王

意氣坐相親關河別故人客似一作自秦川上歌疑一作從
易水濱塞荒行辨玉臺遠尚名輪洩井懷邊將尋源重
漢臣上苑梅花早御溝楊柳新只應持此曲別作邊城

春

陳倉別隴州司戶李維深

蘓頌

京國自攜手同途欣解頤情言正的的春物宛遲遲忽
背雕戈役旋瞻獲寶祠蜀城余出守吳岳爾歸思歡愜
更傷此春殷殊念茲揚麾北林徑跂石南澗湄中作壺
觴餞回添道路悲數花臨磴日百草覆田時有美同人
意無爲行子辭酣歌拔劍起毋是答恩私

別蘓徯赴湖南幕

杜甫

故人有遊子棄擲傍天隅他日憐才命居然屈壯圖十
年猶塌翼絕倒爲驚呼消渴今如是提攜愧老夫豈知

臺閣舊先

一作洗

拂鳳凰雛得實翻蒼竹棲枝把翠梧北

辰當宇宙南嶽據江湖國帶風

一作烟

塵色兵張虎豹符

數論封內事揮發府中趨贈爾秦人策莫鞭轅下駒

晚別樂記室彥

褚亮

窮途屬歲晚臨水忽分悲抱影同為客傷情共此時霧

色侵虛牖霜氛冷薄帷舉袂慘將別停杯悵不怡風嚴

征鴈遠雪暗去

一作轉

蓬遲他鄉有岐路遊子欲何之

石門別楊六欽望

張說

燕人同竄越萬里自相哀影響無期會江山此地來暮

年傷沉梗累日慰寒灰潮水東南落浮雲西北迴俱看

石門遠倚棹兩悲

一作悠

哉

別鄉人南還

張九齡

橘柚南中暖桑榆北地陰何言榮落異因見別離心吾

亦江鄉子思歸夢寐深聞君去水宿結思渺雲林牽綴

從浮事遲迴謝所欽東南行舫遠秋浦念猿吟

與嚴二歸奉禮別

杜甫

別君誰暖眼將老病纏身出涕同斜日臨風看去塵商

歌還入夜巴俗自為鄰尚媿微軀在遙聞盛禮新山東

羣盜散闕下受降頻諸將歸應盡題書報旅人

贈李八秘書別

往時中補右扈蹕上元初反氣凌行在妖星下直廬六
 龍瞻魏闕萬騎畧姚墟一作玄朔迴一作天步神都憶帝車
 一戎纔汗馬百姓免為魚通籍蟠螭印差肩列鳳輿事
 殊迎代邸喜異賞朱虛寇盜方歸順乾坤欲晏如不才
 同補袞奉詔許牽裾鸕鷀叨雲閣麒麟滯玉除文園多
 病後中散舊交疎飄泊哀相見平生意有餘風煙巫峽
 遠臺榭楚宮虛觸日非論故新文尚起予清秋凋碧柳
 別浦落紅蕖消息多旗幟經過歎里閭戰連脣齒國軍
 急羽毛書幕府籌頻問山家藥正鋤台星入朝謁使節
 有吹噓西蜀災長弭南翁憤始攄對馭坑士卒乾沒費

倉儲勢藉兵須用功無禮忽諸御鞍金驪裏宮硯玉蟾
 蜍拜舞銀鈎落恩波錦帕舒此行非不濟良友昔相於
 去掉依顏色沿流想疾徐沈綿疲井臼倚薄似樵漁乞
 米煩佳客鈔詩聽小胥杜陵斜晚照滴水帶寒淤莫話
 清谿髮蕭蕭白映梳

贈別張兵曹

李頎

漢家蕭相國功蓋五諸侯勲業河山重丹青錫命優君
 為禁鬻壻爭看玉人遊荀令焚香日潘郎振藻秋新成
 鸚鵡賦能衣鸚鵡裘不憚軒車遠仍尋薜荔幽苑梨飛
 絳葉伊水淨寒流雪滿故關道雲遮祥鳳樓一身輕寸


祿萬物任虛舟別後如相問滄波雙白鷗

縵州官池贈別 同賦灣字 盧照隣

下靈關樽酒妨無地聯繞喜暫

言欲贈策高辯正連環野逕浮雲斷荒池春草班

洛古樹度鳥入澄灣欲敘他鄉別幽谷有綿蠻



米取封客少裁剪小年土麥長身百歲不
去轉水蘸色可流懸飛斜衣縣飛共日荷戴心熱魚子
性拜裝駐陰葦恩或融帥捨此不非不齊夏文昔時
論護蘇兵取用也無斷忽諧時輝金黠裏宮與王觀

